

Li nga soxla xam

Térélín wi ñu duppee [Preferred Communities Program](#) mën na ndimbali tuut tank ak ndaw yi ko yayoo yu mel ni yaw ci seen nekkin ci réewum Amerig ba ñu bokk ci waa Amerig.

Boo soxla wee ndimbël ci dëkkuwaay wala ci dund, ci lu jëm ci dem ak dikk, wala nga ame jangoro ju tëwa wér wala soxla bu jump lool ci wallu wér gi yaram ak xel, mën nga tambalee am ay ndimbël ci wallu dëkkuwaay, ci dund, ci garab gooy fajoo, ci pajum bëñ, ci gis ku lay xelal ci say jafe jafe wala ci ndimbël ci sa wallu dem ak dikk. Boo sori wee sax ndimbal li mën nga ci jot bu la yitte lee.

Di nga jot tamit ay jappale yu bàyyeekoo ci bérab bi ñuy duppee Office of Refugee Resettlement (ORR), te mën nga bokk ci ñu yayoo lu melni xaalis ak paj, taxawu ndaw, njang, ligéey ak yeneen.

Mën nga di jot ndimbël fii ba ñaari at, mingi aju ci fii nga dëkke. Boo demee nak ba bokk ci doomi Amerig yi ci diggante bi, dootoo mëna jot ci ndimbël yu bàyyikoo ci térélín woowu. Waaye, di nga wëy di jot yeneeni ndimbël yu bàyyikoo ci nguuru Amerig wala ci nguuru réew yu bennoo yu Amerig. Ki jagoo toppatoo say mbir ci térélín wi ñu duppee Preferred Communities Program mën na la jappale ngir nga laac ndimbël yii ñu lim bula yitte lee.

Lu tax nga yayoo njariñ yi

- Ndax térélín wii di ORR dafa gis sa waajur wala sa mbokk wala sa kilifa gu mu doyloo ci réewum Amerig fekk mu jébbalóon bataaxal ci ORR di sakku ngir ñu bayyi la nga dëkk ak moom. Ndax tamit
- Dangaa ame tolluwaayu gan ci réew mi loolu moo la def nga yayoo ndimbël yi bàyyikoo ci térélín wi di ORR.* Moo xam nga bàyyikoo fumu mëna doon ci adduna, moo xam Afganistaan wala Kuubaa wala Hayiti wala Ikren ci nu ñu koy gisee yéen saay.

Bu fekke ni yaa ngi doon xaarandi ñu dello la ci sa waajur wala ci sa mbokk wala ci sa kilifa gu ñu doyloo te fekk ni kookule soppi woon na wala jëloon na waat bataaxalam ak ci sabab bumu mëna doon nak, ORR dina dakkal

sag yayoo ci tērēlin wi di Preferred Communities program. Bēs bu ñu la amale waat beneen kilifa, dinañ la boole waat ci tērēlin wi.

Lu lay xaaraat ci ginaw loolu?

- Dinañ la boole ak kuy toppatoo say mbir—ku xereñ ku lay gindi ndeem ya dangaa bokk ci tērēlin wi.
- Ki jagoo toppatoo say mbir dina waxtaan ak yaw ci sa tolluwaay ay say soxla. Di ngeen bokk yeen ñaar tērēl aw yoon ngir faj say soxla.
- Di nga teewlu ay leeral yu lay xamal lépp loo wara xam ci sa mbiru ndimbēl.
- Di nga tambali di jot ndimbēl gu ñu la jagle ak di gis ñuy am yitte ci say soxla.

Ay laaj?

- Boo amee yooy laaj ci mbirum tērēlin wii di Preferred Communities program wala ci mbiru ndimbēl yi nga soxla, na nga ko laaj ki jagoo toppatoo say mbir kooku.

**Daw làqu yi ak wey loru yi ci njaayum njaam ak ñi bàyyikoo Kuuba wala Hayiti ak ñi ñu yewwi Afganistan ci ay kàddu ngir fonk nit ak ñi ñu yewwi Ikren ci ay kàddu ngir fonk nit bokk nañu ci ñu yayoo ndimbēl li, waaye yemul rek ci ñoom.*

Sattumbar 2023